

豐城縣志卷之十

列傳二目錄 仕績

唐

王季友

宋

李秉

子君伯 從弟仲詢 從子冕 亢

何延世 族子莫 莫姪時升

李登

孫發 孫伯溫

黃得禮

子彥輔 曾孫疇若 彥平

江端本

孫文柔

范璿

子德 袁抗

黃誠

鄒揚

雷觀

徐升

李惟深

王樞

豐城縣志

卷十

仕績目錄

陸筠

曾光

徐如晦

劉德秀

鄧元

孟程

王衡仲 曾祖 邦作

范仲武

范應鈴

王武子

袁漸

徐應雲

涂應雷

張宏毅

徐經孫

范嚴

王義端

兄義 山

熊大經

李龍庚

子毅 通

徐思立

范壽

范宜損

王定孫

李嗣俊

元

熊介

鄢至善

龔國祥

徐智

子得 中

甘朝舉

于有信

豐城縣志卷之十

列傳二

仕績

唐

王季友雲嶺里人博極羣書能詩舉開元進士李勉為江
西觀察使甚敬之表監察御史歷遷御史中丞杜甫有
詩云丈夫正色動引經豐城客子王季友羣書萬卷常
暗誦孝經一通看在手豫章太守高帝孫引為賓客敬
頗久明月無瑕豈容易紫氣鬱鬱猶衝斗用為義和天
為成用平水土地為厚死為星辰終不滅致君堯舜焉

豐城縣志

卷十

仕績

肯朽吾輩碌碌飽飯行風后力牧長回首其賞慕之如

此自號雲峯居士宋黃彥平請祀學宮東序參省志

省志云唐乾元中元結嘗編沈千運于逃孟雲卿張
彪趙徵明元季川及季友七人詩曰篋中集以季友
為河南人合諸杜甫豐城客子之句則王似籍河南
而寓豐城者也林志安志俱本豫章圖經作豐城人
白志因之考南唐時有豐城王子邳者為季友四世
孫則季友為豐城人可徵也

宋

李秉字子正篠塘人景祐進士文學行誼為同年司馬光

范鎮所引重以屯田員外郎累官郎中宿州刺史所至

以循良稱同時過昱之純孝何延世之清直並稱為三

郎中子君伯餘千尉以獲賊功授承務郎知徐州蕭縣

從弟仲詢金谿尉秘書省校書郎

從子冕字君儀弱冠與弟茂元省舅晏殊於京師數月請歸晏曰比當郊天吾奏汝一官冕謝曰冕自勵以圖後舉茂元舅宜恩之明年茂元補太廟齋郎冕調崇安簿民謝叟無子養他姓兒致富後婢生一兒叟垂死戒曰吾故貧藉汝兄佐吾致富分財當優之婢兒壯詣官乞還兄姓冕詰婢兒不服更訴州蔡襄爲運使行縣冕迎白曰法順人情今與同艱苦致豐裕終奪而窘之非人情也且違其父志襄曰微主簿言吾幾誤任法矣具奏著爲令續爲舒之司理懷寧令稱獲劫盜十三人冕

豐城縣志

卷十

仕績

二

疑中有自首及爲從宜減者必縣覲賞典匿其詞乃請覆訊果活三人時王安石爲州判私語冕曰果爾令當抵罪冕曰活囚而陷令非吾心也聽令盡易獄詞安石喜曰明且仁者也其爲治類如此

亢字君起亦秉從子以恩試將作監主簿爲泉州戶曹憲使按部以清節薦爲臨川丞攝南豐縣事疏宿弊理積逋省徭役平獄訟政化大行未幾以病歸

何延世字楸之畱臺里人第進士爲都官郎中有清直聲與過昱李秉齊名繼爲連潮二郡守與周濂溪同官相友善熙寧五年入覲卒京邸邑人孫啟復試澤宮爲輟

試扶櫬歸延世爲詩清麗今不傳族子莫字亨道以進士調鄂工曹既仕猶刻苦讀書臨事明決如老吏莫姪時升有名大學自號半隱與程伯玉善當時稱爲程何云

李登字仲圭篠塘人紹定鄉薦授耒陽簿時湖南被兵守臣委督修城壘規畫有方竣事民不知役再調吉水丞行經界覈田高下以則定等賦均而民樂輸及代郡守魏峙知登清貧檄納秋苗可資給歸橐登代至卽行秋毫無取季弟鰥居宦遊必與偕嫁其女如己子宮止潭

州糧料院

豐城縣志

卷十

仕績

三

孫發字妙仲同造里人元祐進士補崇仁尉民有盜宗人財就執而父病死遂誣宗人傷之發按得情民大窘自醉其盲弟廢一手聞於州州疑寃移獄有司迎合發力辨不已作截臂行仕終永豐令

孫伯溫字南叟同造里人紹熙進士補慈利簿以鄉人范伯舉當調南城年高次遠因以慈利與范已需次八年始調龍城校官改知新昌爲治先教化而後刑罰揭縣門曰有寃可訴無理莫來豪民競田伯溫繩以法乘間萋斐遂以罪去新昌人有平田謠再知臨湘未任卒伯溫嘗師楊慈湖簡又從漕使楊方受爲己之戒每謂學

者當知三坑四關之病有利欲坑文義坑枯寂坑惟義利是生死關誠僞是虛實關敬肆是安危關動靜是吉凶關知此則可以爲士書無所不讀爲文師韓柳詩法黃陳金石刻詞尤得體歿龍城人祠祀之

黃得禮字執中沈江人元祐進士終柳州推官靖國初應詔言事略曰嘉祐熙寧之法仁祖神宗所爲也而主熙寧之說者曰必爲之更變主嘉祐之說者曰必爲之守常分曹爲朋迭立勝負宿怨快于私門實禍歸于公家朝廷顧何所賴唯天子建中和之極擇其善者從而增損之此行法之要也人才實難口語疑似無四兇之罪

豐城縣志

卷十

仕績

四

而加以流竄之刑瘴霧蠻煙不死不已遺骸旅櫬雖死不還士有持平守正如彭汝礪葉濤之徒其言未必見省此風不革異日必有服刑都市慘夷五族之法聞於上者矣願朝廷退人以禮宰輔爲國受言變薦紳鏘薄之風增社稷靈長之福此任人之要也世以爲篤論子彥輔彥平望堯

彥輔字伯強政和進士有文學著論刊落陳言官終吉水令以清惠著名

彥平字季岑宣和進士初試國學第一時方申元祐學禁疑爲山谷族屬抑置第四授信陽軍教授移池州士

曹靖康初遷博士坐與李綱善謫監虢州銅塲建炎二年擢尚書吏部員外郎撫諭京東西路使還丐外出知筠州丁母憂起爲吏部郎中入對力陳日食之咎又進校旗大閱法會金兵至淮南告捷彥平言策功行賞勸沮所係因條上三策乞解大將軍逗留者節鉞授偏裨立功者時朝廷正罷劉光世兵柄命呂祉代之彥平言光世固當罷祉亦非御衆才不報其言卒驗紹興初諫官極論學者宗程灝兄弟之弊有旨戒飭彥平時權禮部郎官與侍郎董棻爭於朝事直而謗議隨起旋以數論事爲媚嫉者擠出提點湖南刑獄任宮祠九年知邵

州終朝散大夫

疇若字伯庸得禮曾孫少孤外大母杜教養之登淳熙進士授祁陽簿民有訴僧爲盜殺人疇若疑無證力白提點刑獄馬大同卒得真盜知廬陵縣嘗以六月督疇零稅念民方艱食取縣用錢三千餘緡代輸兩年治爲諸邑最召赴行在監進奏院應詔上三急務一賦斂無藝一軍政無法一守令無狀主大府寺簿考博學宏詞科拔真德秀畱元剛列高等擢監察御史首論天子擇宰相宰相擇監司善爲國者必以恐懼修省之事陳於前善爲相者必以危亡災異之事告於上會侂冑罷勾

去帝不許時初罷江淮督府疇若奏和戰未決無以統
諸將乞亟詔大臣爲宣撫使卽日以命邱審尋遷殿中
侍御使兼侍講疏累上大畧言宜撙節以儲歲幣搜訪
以遵成訓飢籍之賑宜展侵漁之禁宜申皆報可自軍
興費廣朝廷給會子數多折閱日甚朝論頗嚴稱提民
愈不售疇若請先收十一界銷毀勿支上下流通則不
待稱提矣由是峻急之令少寬又疏奏乞存忠厚延質
朴屏絕浮薄之論乞撥買官田克糴本以廣常平之儲
權戶部侍郎進寶謨閣待制知成都府上諭以委任非
輕一意撫摩至蠲徵積欠十數萬官吏冗員非敕命差

豐城縣志

卷十

仕績

六

注者悉罷之故事頗尙遊樂一切減損爲民代輸六年
帑估錢二十餘萬別立庫儲二十五萬糴米十五萬足
廣惠倉儲節縮餘錢四十萬爲修城備又減他賦之重
者以寬民力初沈黎蠻屢犯邊爲榜諭禍福青彌兩羌
遂乞降會董蠻犯龍鳩堡龍門隘皆以有備而退召對
延和殿遷兵部尙書太子右庶子兼詹事差知貢舉試
禮部尙書乞歸以煥章閣學士致仕卒所著有竹坡文
集子策潭州通判策子端卿自有傳

參宋史增訂

江端本字一大長塘人南唐御史文蔚裔元符己卯以文
學與鄉薦授溫州通判剛直有祖風奉旨察方士林靈

素居家過制罪狀得實進中丞御史時宰執一黼黻政
與宦官梁師成交通作奸中外側目端本修揭奏聞觸
怒繫獄斃

按詩派圖江端本字立之開封人舊傳指兩人爲一
誤今更正

孫文柔字思善同造人建炎初寇屠克斥柔集義勇手射
却賊將合里無一受禍者以功調瑞金尉

范璿字舜文後泉里人政和進士調撫州議曹尋除大學
博士宣和七年授虔州議曹改節度推官金兵至盜四
起虔俗輕悍喜鬪爲畫策守備城遂安興國有獄經年
不決璿推治得其情平反甚衆歲納輸賦胥吏緣爲奸

豐城縣志

卷十

仕績

七

璿盡革蠹弊薦知建州甌寧縣有治績當代縣爭畱之
列治狀十事上郡太守魏在以聞召對便殿問何以得
民如此對曰臣知爲陛下愛民耳上悅拜兵部員外郎
時方事恢復極陳七國爭戰之事不足法帝王弔伐之
兵所宜行語頗剴切上曰卿深得責難之義遷兵部戶
部樞密院檢詳尚書左司郎中兼中書省檢正官高宗
駐金陵論攻守進退計甚悉條八策以獻帝嘉納之宰
臣秦檜主和議璿不附金人圍劉錡於順昌羽書絡繹
檜不肯濟師璿力爭不從時方暑被禪衣璿披胸正色
曰爲宰相須是開懷聽天下人言安可以私意害公議

秦檜盛怒而罷璿嘗草疏乞斬王倫秦檜將奏之以示
胡銓銓曰書上必得危禍子有老母不可以累母吾以
奏之銓南遷璿亦出知劍州未幾請祠主管玉隆觀紹
興二十五年歸卒著有松谿集子德動

舊按云胡忠簡所上封事實出璿筆揭文安確鑿言之
虞文靖松谿集序亦云

德動字光卿淳熙鄉薦知吉龍泉縣時茶寇大擾邑受
衝居民盡室逃避德動獨畱解募民因險立柵爲鐵角
距實灰缶迎擊之寇望風遁去臺府表勞進丞瓊管知
容州以最聞詔赴闕奏更鹽法賣鈔爲定制旋擢瓊管
安撫改知肇慶府帥臣潘時上其治狀召赴行在未久

豐城縣志

卷十

仕績

八

卒

袁抗字立之袁家渡人舉進士同學究出身以薦補桂州
司法參軍撫水蠻寇融州轉運使俞獻可檄抗權融州
推官事平遷衡州推官累國子博士知南安軍擢提點
廣南東路刑獄還爲三司判官以尙書金部郎徙益州
路時三司歲市上供綾錦鹿胎萬二千匹抗言蜀民困
憊願少紓餘力以備秦中他日之用是年郊祀蠲其數
之半黎州歲售蠻馬詔擇不任戰者却之抗不奉詔尋
如舊制除江淮發運使召爲三司鹽鐵副使改少府監
卒抗喜藏書至萬卷子陟自有傳

摘宋史

袁抗父子省府志俱作南昌人以袁家渡屬兩界地
舊志悉登載今仍之

黃誠字循道蘇陂人元符進士政和間爲德興令通經術
精於吏事民有隱慝一見輒得其情尤肫肫撫以慈惠
邑人畏而愛之祀饒州各宦終石城令

鄒揚字廷光東湖人宣和進士樂平丞靖康初勤王師起
建昌當閩廣荆蜀衝要前令無具邑里騷然郡俾揚代
其任銜牒之縣以常平米給過軍以義倉米賑流民軍
至無擾卒有余大瘡奪人一卵卽斬以徇時建康造戰
艦責取異材揚謂檜楫松舟自古有訓異材非吾產也
辭之郡欲調發弓手揚辯曰防巡者羣趨於無事之夜

豐城縣志

卷十

仕績

九

則力已自竭把隘者散處於無難之地則勢已自弱若
以保甲聯民使各守坊巷而優勸市巡分番更代卽賢
於今日之防巡分隊教戰協力城壁而厚犒健步分路
探報卽賢於今日之把隘且弓手之所以可用謂其知
境內地勢熟鄉曲人情緩急可以追呼可以緝捕其武
藝比之禁旅未必優長今舍其所長用其所短于軍無
益于縣有害曷若以外縣起發之費克在城教閱之賞
則軍民兩便其議論慷慨疏達知變如此尋以疾卒於

官

雷觀字仲立偕同邑鄒邁范璿並以文學名應貢入國學

與陳東友善偕疏請復用李綱帝從之白時中罷以張邦昌爲相觀上書云天下之利害當使天下之人議之天下之人得以利害之言盡聞於上則當言之人雖欲緘默苟容不可得也言官得以盡其言則執政之臣雖欲擅權爲奸不可得也上嘉之賜出身與館職遷太常博士復請重紀綱惜名器以抑冒濫旋因忤黃潛善謫監紹興間兩倅潭州料院

徐升字公允上居里人有孝行宣和進士主萬載簿時縣凋殘後升墾田六千餘頃公私交裕遷盱江丞寇盜日張分兵焚其巢戮渠帥散遣餘黨後知蘄州罷官歸不持一錢身及妻子有菜色

豐城縣志

卷十

仕績

十

李惟深字彥溪苦竹里人年十九登紹興進士轉都昌丞外臺俾錄囚得情爲憫囚賦以獻爲宜黃令適淮壩宿重師百需猥至惟深諭富民以理不戒而集又上言募軍一事輕用人命徒耗糧廩前此揀發弓兵曾不能北向發一矢泊事休十不一歸以此知士非素練是謂棄之事遂寢奉祠終於家

王樞字致榮東山人通春秋學嘗遊胡安國之門登紹興進士參吉州軍郡給軍衣有濫惡者衆譁莫能制樞正色折之乃定改丞岳州每詣學宮執經講論士類興起

再丞鼎州會茶寇繹騷道路不通或欲焚山絕茶或欲
官自收鬻樞建議爲長短引以便負販行郡府事悉咨
焉終常德府判

陸筠字嘉材撫金谿人紹興進士任貴溪丞濟嚴以寬修
簿廨不戒而集未幾賊犯邑焚蕩殆盡惟簿廨存張栻
爲紀其事栻帥江陵筠爲倅言皆聽從栻終力薦之官
至浙西參議後奉武彝祠初爲岳陽教官未至畱家豐
城邑陸氏自筠始著翼孟音解

曾光字元明石坑里人紹興進士判融州強寇李接擾旁
郡聞其仁不入境移知房陵房西馬所經校牽者執券

豐城縣志

卷十

仕績

十一

要索不已光給與如律卒羣譟庭下悉械之謂其校曰
朝廷所需者馬耳于若輩何有今遣他官以馬入并劾
若不職計將安出其人謝過戢衆去

徐如晦字光伯角陂人察之子隆興初應詔陳十事以直
言舉主慈利簿憲檄攝縣篆有殺人祭鬼者連坐久繫
未決如晦白憲殺人者死法也妻子無罪可盡戮乎憲
悟罪止其人某怙勢殺人反律死者妻妻誣服將論決
如晦察其寃吏以太守命堅持不釋如晦叱之因引訊
卒白先是縣鬻此獄震獄扉令暴卒及是婦罪釋時
苦旱忽雨人以比東海雪寃之應再調萬載丞卒有文

藁數百篇

劉德秀字仲洪石灘人隆興進士初官南康軍司戶調帥蜀有去思後補官諫議大夫侍講吏部尚書四川制置使端明殿學士提舉玉隆宮召除吏書簽書樞密院爵豫章郡侯以資政殿學士知紹興府郊祀進爵郡公爲文師昌黎著退軒遺稿

鄧元字南秀邑鄆人淳熙進士主分宜簿時夏潦暴至屋皆沒民爭走山無所得食元不及白州發廩粟濟民再辟廣西帥屬宜州蠻欲叛出不遜語元奉使者檄約束之卽退聽命著有漫堂集

豐城縣志

卷十

仕績

十二

孟程字深甫邑鄆人淳熙進士調襄陽監酒稅帥檄按視水渠程悉力成圖復帥且深言屯田利因浚渠溉田數千頃總餉覈軍儲檄程兩易綱米入倉有懸蓆蔽廡程疑奸察之乃監守賄倉吏盜官補私欠遂發其事積蠹始革令激浦寧遠二縣正賦籍吏不敢欺嘉定更化上萬年書有曰朝廷新大化當盡革宿弊否則弊將滋甚而天下不復可爲有詩文千餘篇自號冰雪林主人終臨江倅

王衡仲字仲平東山人曾祖邦作弱冠貢上庠靖康間築室西坡南渡衣冠避地者必廩餼之屬文清綺樂府尤

工衡仲登淳熙進士丞相京鏗欲引近之不就授新昌簿善推鞠民有售圃里富人而誣其毀墓者且行賂求證邑莫能決部使者檄衡仲辨之至則桑麻蔚然乃命里胥丈植一表而獨錄一證者詰墓所在又詰所指不同遂杖之三詰證者以實告獄乃決丞漢東時漕使趙方檄攝郢以所捕寇數十約至境行誅衡仲按其事多誑誤乃悉縱遣復趙曰非真盜也已爲明公末減矣萬一咎其慢令則某但能不負所知不能不負所委趙躄之爲審計時嘗輪對頗及時政有日以放散新軍失士卒之心以拘毀白帖失邊豪之心以納粟限銓失巨室

豐城縣志

卷十

仕績

十三

之心以新引失商賈之心以新會失天下之心末言孔子謂兵食可去而信不可去今急於兵食而去其信一旦緩急尙能以空言欺人使我聽哉辭甚激切出守建昌軍值歲大旱衡仲郊外禱曰得雨則郡可爲也入境望郡治而舍大雨如注郡人喜迎曰真刺史雨新城地名黃檀磔者與汀鄰民險健好鬪騷動一方令不能制臺閫諸司俱以輕動爲戒衡仲獨銳意擒戮之卒帖然服

范仲武字季克楂村人慶元進士爲泰和令徙倅安豐道由洪都帥問治狀纒纒言之至蠲放下戶餘賦帥不謂

然語之曰富民得產而不收攬戶得錢而不納若一蠲之則受惠者斯人耳仲武曰二者受惠信如所諭然催之不已則受害者貧民下戶非富室攬戶所憂帥悟善之在安豐宣使斂財仲武以將漕受事不以及下戶或謂富家巨室有詭匿今悉取之非計也宣使惑其說仲武力言寧使富戶有徼倖不可使貧弱受其殃議遂定聞帥劉光祖熟其治狀言於朝謂料賊無遺策給餉無缺事保守箕谷捍蔽兩川其功爲多召赴行在未對卒范應鈴字旂叟楂村人開禧進士調永新尉縣當茶陵溪洞衝寇甫平或詐爲驚擾應鈴廉得主名粹治之縣十

三鄉寇擾不時郡奏弛八鄉民租二年卽復督之應鈴詣郡言反覆數四帥聲色俱厲應鈴從容曰某非徒爲八鄉乃深爲國家計爾民貧迫之急將以不肖之心應租不可得而禍未易弭也力爭乃已改知崇仁聽訟發摘如神邑故賦役不均應鈴罷供需去詭籍而賦役正通判蘄州差知吉州下車首以練兵足食爲先務去冗吏覈軍籍汰老弱洞究財計本末每鄙權酷興利蘄五邑悉改爲戶吉舟車之會且屯大軍人勸之權應鈴曰理財正辭吾縱不能禁百姓羣飲可誘之利其羸耶贛叛卒賊殺主帥應鈴密遣諜捕之部使者劾其輕發鐫

一官起廣西提點刑獄召爲金部郎入見首言今以朝
行暮改之規模欲變累年上玩下慢之積習以悠悠內
治之敝政欲圖一旦赫赫外攘之大功公論不出於君
子而參以逢君之小人紀綱不正於朝廷而牽於弄權
之奄寺言皆讜正識者避之遷軍器監召見奏國事大
且急者儲貳爲先陛下不斷自宸衷徒眩惑於左右近
習之言轉移於宮庭嬪御之見失今不圖奸臣乘夜半
片紙從中出忠義之士束手無策矣帝爲動容授直寶
謨閣湖南轉運判官兼安撫使峒獠倡亂帥憲招捕逾
年未平應鈴曰招之適以長寇卽調軍討之未一月擒

豐城縣志

卷十

仕績

十五

兗渠全師歸加直煥章閣累上書謝事不允擢大理少
卿一日籍府庫會簿書已及家務僚屬有以清心省事
爲言者應鈴笑曰平生學力正在今日僚屬愕然會客
入應鈴整衣冠肅客言論如平時客退翛然逝應鈴開
明磊落守正不阿見義必爲不以利害動心所至無滯
獄繩吏不少貸亦未嘗沒其貲家居時人有不平不走
官府而走應鈴之門爲不善者輒相戒曰無使范公知
之自號西堂諡清敏徐鹿卿曰應鈴經術似倪寬決獄
似雋不疑治民似龔遂風采似范滂理財似劉晏而正
大過之

王武子字文翁一字仁叟城頭里人後居松湖開禧進士
爲江夏尉臺檄視旱武子請蠲租仍禁刑牛罷關征勸
假貸以資細民寬米值以來商販使者悉行之獨其屬
沮格蠲租議武子力爭不能奪後租卒不可督再調荔
浦令凡閭里奉親事長服田力穡畏訟樂輸者厚旌賞
之勤課試士氣以振架閭裘萬頃被召臨門求贈言武
子曰入爲朝士寧疎拙毋便習則不失其在我萬頃奉
其言未期月出人謂武子不惟勉已且以淑人

袁漸字伯賢菟湖人嘉定鄉薦特奏授嚴州文學累官至
清海判官權德慶府振頽綱理凋瘵補綱欠蠲事例所

豐城縣志

卷十

仕績

十六

至有聲子浩頤進士主龍川簿

徐應雲字平仲栗塘人嘉定鄉薦授瀏陽尉憲司有死獄
久不決檢覆至四五訴者不已委應雲檢審驗兩脛骨
俱左足荆上之獄由是得明

涂應雷字復亨號桂莊石溪人景定進士授萬安尉主清
遠簿時臺臣劾新會宰攝廣南倖貪酷爲南中官吏最
鐫罷送憲司徵贓不服委應雷問不承因廉得民間贓
狀萬計示之乃伏辜終番禺令

張宏毅字通父居郡鄒咸淳進士授瑞金尉陳杰持江右
憲節發豐城委摘吏奸宏毅悉逮至鞠具服鴈鶩羣遂

空

徐經孫字仲立號矩山覺溪人濬之子寶慶進士授瀏陽主簿潭守俾部牙契錢至州有告者曰朝廷方下令須行十七界會若此等錢皆得用會願小須之則獲有大利經孫曰此錢取諸保司出諸公庫吾納會而私取其錢外欺民內欺心奚可哉卽以所部錢上之陞監察御史劾京尹厲文翁言僞而辨疏留中卽日出關上遣使追之不及召爲秘書監太子諭德遷給舍論謝堂不宜以后族次對西清董宋臣不宜以近倖與兵柄陞太子詹事敷陳經義隨事啟迪景定三年春雷詔求直言經

豐城縣志

卷十

仕績

十七

孫對曰三數年來論者以靖共爲主有懷者以譁訐爲戒忠讜之氣鬱不得行上帝降監假雷以鳴切中時弊時賈似道議買公田以省糴運經孫極論非便忤似道除翰林學士知制誥未踰月諷御史舒有開奏免授端明殿大學士閒居十年卒贈金紫光祿大夫爵豐城伯謚文惠經孫既貴不治產業身歿家蕭然時著作郎陳著亦乞罷買公田坐補外經孫所薦陳茂濂爲公田官在嘉興聞經孫去國曰我不可以負徐公遂以親老謝歸終身不起時人稱爲三立

范巖字子巖楂村人淳祐進士方試禮部伏闕上書言上

下之交以術相籠不以心相體以氣相承不以理相從
條陳十事曰嚴資善之訓教絕黨惡之議論選宰執以
盡君子之用重臺諫以固君子之交責監司以清利弊
擇重臣以壯邊閫廣畊屯以招流散收碎會以便交易
謹舉措以重宗廟續恩意以篤天倫既第復上書曰當
今之時可爲治世惜者五公論脈絕正人引去輕厭學
校庇護嵩之創龍翔觀可爲明主危者六敵國窺江寇
循海道楮幣折閱浙右盜賊軍驕而紀律不嚴拒言而
人不敢諫末言周室漢唐六朝享國世運短長疊疊萬
言憤激忠愛仕止臨川主簿

王義端字元剛槎嵐人與兄義山聯名鄉薦仕至綏寧令
德祐丙子避地章貢一日詣憲使陳杰適吉水械劫盜
七十餘人至命幹官王垆議置於法義端問曰非二趙
事乎杰曰然曰是兄弟之郤非寇也某昔嘗事此邑有
趙簿與張以事羈管邵陽或謂其弟與銜擠之赦還兵
興銜盡室之贛張謀報復率羣僕焚其廬是兄弟修怨
罪不專在從也可盡殺乎復說垆曰君毋以人命奉長
官嗜殺立威晉公保彥卿不反卒應三槐之讖其可忽
諸無何有羅拜於前者謹曰公活我輩感泣而去

義山字元高號稼山通易學工詞賦宋景定進士知新

喻縣歷永州戶曹至江西帥司議叅官分司贛州入元
奉行省檄提舉江西學事寓居東湖環所居皆種白蓮
名其堂曰君子初宰新喻有訴僧紹南還俗者義山判
云紹南棄異端從吾道人其人不亦可乎東安縣民曾
殺人賄用家僮承大辟義山訊得實僮免死湘潭縣豪
民併李田不遂獻之學縣受之李訴於臺縣以告先聖
文來上義山曰春秋齊人來歸汶陽之田釋者謂書來
歸者心悅而歸之也李非心服先聖其肯受乎以還李
氏湘俗信巫歲用人於淫祠事覺罪祭者不及巫義山
謂巫實殺人按法坐之其風遂殄

豐城縣志

卷十

仕績

十九

熊大經字仲常孛岡人寶祐鄉薦王建陽簿時後村劉克
莊爲宰大經推誠贊理劉嘗移書曰某試邑非才惟主
簿忠告善道顯助陰扶置此身無過之地轉龍泉令廣
西憲司幹尋致仕

李龍庚字彝甫大陂人紹定鄉貢補太學生淳祐末謝方
叔當國龍庚上疏言方叔耄昏子姪縱欲敗度交通賄
賂掩抑公論條上五欺十賣之罪京尹承風羅織興獄
少司成蔡抗率屬爭之乃獲免未幾方叔罷兩與江廣
漕薦以桂陽軍判官終子毅通字幼剛景定進士授蘄
黃縣尉終撫州推官爲文有家法任江州司法叅軍時

奉母之官載米以養後攝瑞昌宰

徐思立字志夫覺陂人景定進士授南雄教授改臨江時
丁大全當國諫官與諸生叩闕攻之有旨戒諭立石學
宮思立爲書抵祭酒反覆萬言請轉聞以申公論用是
十年不得志德祐初改奉議郎除武學博士尋罷歸有
山房雜著若干卷

范壽字子洪植村人奉新教諭寺僧豪奪學田持訟數載
適宣政院專官根勘寺產逮壽詰壽無遜悞語徐出載
籍指陳使者怒執其籍壽曰此當與吾同生死若執之
必叩闕求直遽命還之田得不奪

豐城縣志

卷十

仕績

二十

范宜損字處約號意誠畚坑人慷慨有大畧爲文清新雅
健以書謁淮閫奇其才補進義校尉尋攝安遠令罷弊
例五十餘條補解逋賦八千餘緡立學舍三百六十楹
登咸淳進士授蘄州法曹轉湖廣總領所幹官分司岳
州時江上宿重兵百萬宜損供給不匱官止刑部架閣
文字

王定孫字靜翁咸淳鄉貢官贛州司征貴溪縣尹福建鐵
冶提舉邵武錄事龍溪尹初仕貴溪平反邵武何姓殺
債主而誣其妻之獄在龍溪盜掠晉江許德祥家盜逸
逮百餘人死者十二三會民有商去不及偕往者歸母

媪以訴詰之并得掠許氏盜枉者以釋孫萬鎰爲憲司書史捕盜有威名或作劍水澄清頌刻石郡庠後頗以刻深損譽一日會明倫堂孫偶語侵定孫定孫面數所爲事戾於理者數十引椎碎碑出宦遊四歷劇任皆具資裝以行秋毫無取

李嗣俊字士愚苦竹里人舉胄監都城旱應詔上書乞立濟王後收召言路逐臣罷龍翔宮土木荆湘帥陳韓縱軍毒民請逐之以直言聞於時弟嗣良字士愷嘉定鄉薦

元

豐城縣志

卷十

仕績

二十一

熊介字元靜圭湖人宋咸淳進士授理定簿尉攝崇仁縣事歷官富州教授所至有操守嘗自爲贊曰子方之介也隘守道之介也怪不隘不怪是爲熊介

鄢至善字止善故里人延祐初程鉅夫以經明行修薦授中書照磨累遷至刑部侍郎時丞相鐵木迭兒恃權縱子奸利官貯軍糧私取貴鬻朝野側目莫敢發大辟罪顯受賂錢脇刑曹易詞以貸至善來部力持不可且上章條其罪狀丞相銜之欲致之死無間會從帝幸上都佯托曹務邀共飲食密置鴆至善中毒卒帝不問命葬翠屏山之陽

龔國祥字天瑞敏而介官寧都時帑有羨緡踰二千七百有奇悉輸飭器備豪民獄急暮餽金峻拒繩以法吳文正稱其有士行深以用未稱才惜之終天臨路茶提舉都目

采草廬集增

徐智字明初曲江人十五歲經書諸子無不通行省尹陳元凱以明經薦富州直學三爲嶺南簿轉吉安路同知致仕有廉聲子得中字養心元末以故官子任隆興路東門巡檢以學行稱

甘朝舉邑鄆人以薦爲嘉定知州參廣西帥幕蠻獠服其廉介

豐城縣志

卷十

仕績

二十二

于有信字盛卿竹園五世孫由江西行省掾授承務郎臨江路經歷都昌縣令時邑大旱多饑殍奏發粟以賑民無流徙陞奉議大夫集慶等處都財賦提舉轉隆興路治中致仕終於家二子皆廕授長汝賢武寧令次汝能

贛州會昌州判